

Hozciz:Guh Aen Hozdung “Bak Ciengz Denyingj Vah Minzcuz Roengz Mbanj”

河池：启动“百场民族语电影下乡”活动

4 nyied 13 hauh, Hozciz Si bi 2018 ndwen senhconz minzcuz doxgiel cinbu “bak ciengz denyingj vah minzcuz roengz mbanj” hozdung, youq Vanzgyangh Mauznanzcuz Swciyen Swi’wnh Cin Cwnzsangh Cunh Mbanjlunzgyangh hainduj. Haemh haenx, youq aen cunh neix Lungzgyangh、Gauhlungz、Gwnjfaz、Dunghhingh、Sanghloz daengj 10 aen mbanj Mauznanzcuz、Myauzcuz、Yauzcuz daengj 200 lai boux minzcuz vunznoix ngonzyawj le benq bienhoiz denyingj vah Mauznanzcuz 《Yaengx Fwngz Hwnjdaej》.

Mbat hozdung neix dwg vih fungfouq beixnuengx minzcuz vunznoix vwnzva saedcej yaekaeu doengzeiz, sawj vah minzcuz vunznoix ndaej swnjcienz caeuq hwngfat. Ciuq cam rox, dangqnaj Hozciz Si gungh hoiz guh ndaej 2 benq denyingj vah Mauznanzcuz、2 benq vah Yauzcuz、1 benq vah Mulauzcuz、10 benq Vah-cuengh.

(Cwnz Gvanghghoh/陈光科)

► Vunzlai Yawj denyingj vah minzcuz vunznoix.



▲ Benq bienhoiz denyingj doenghboux gunghcoz yinzyenz hab’ingj.

Yungzsuij:Benqgeiqloeg Denyingj Banj Vahmyauz《Ak Lo, Aen Guek Raeuz》Yaek Caeuq Bouxyawj Raennaj

融水：苗语版电影纪录片《厉害了，我的国》即将和观众见面

Vihliux gvancez lozsiz Cunghsenhbu、Guekgya Minzveij、Denyingigiz benqgeiqloeg denyingj《Ak Lo, Aen Guek Raeuz》hong bienhoiz vah minzcuz vunznoix, youz Yungzsuij Myauzcuz Swciyen Minzcunghgiz cujciiz heuhcomz, yienh Minzyijgiz daengj doxgven bumwnz caeuqfaenh guh, hong bienhoiz banj vah Yungzsuij bouh denyingj neix cingq baez bouh baez bouh doi baenaj, mizmuengh caet nyied it hauh ndaej caeuq bouxyawj raennaj.

Aen benq neix hopheux Siz Ginbingz seizdaih moq Cungguck daegsaek sevei cuji swhsiengj, sengdoengh caiqyienh le Cibbet Daih dangj gvaq-daeuj, Cungguck youq banggunz、guh vwnzmingz swnghdai、yihliuz baujcaeng daengj fuengmienh ndaej gij cingzciik hungloet haenx, langhbaiz le haj bi neix daeuj youq aen leixniemh hwngfat moq cauhoq、doxdaengh、saekloeg、hailangh caeuq caezungh lajde ndaej gij cingzciik hungmbwk, yienh’ok le cingsaenz buekguh Cungguck yinzminz youq gwnz loh cienzmienh guhbaenz sevei siujgangh haenx, dwg benqgeiqloeg denyingj gig miz saen’eiq cungmuenx cwngnwnzglieng he.

(Mungz Vazcingh/蒙华清)

Gunghcwnz:Gaenxmaenx Haiguh Beizyin Dinfwngz Nungzminzgungh

恭城：积极开展农民工技能培训

Vih gvancez lozsiz Cibgouj Daih dangj cingsaenz, aeu cienzmienh daezswng nungzminzgungh dinfwngz suijbingz ma guh moegdik, saedguh cingcinj bang rahong, haenq-rengz doihaeuj gunggeng vutgunz. Gunghcwnz Yauzcuz Swciyen Yinzliz Swhyenz Caeuq Sevei Baujcaengiz gaenxmaenx haiguh beizyin dinfwngz nungzminzgungh, sawj gyoengq nungzminzgungh, daegbied dwg vunzhong gungzhoj guhdangj laebgaj haenx ndaej youq bakdou bonjfaenh hag ndaej monz dinfwngz he, daezswng bonjfaenh dinfwngz guhhong, daezsang naengzlig demsou caeuq

rahong.

Ciuq cam rox, aen yienh neix daengz 4 nyied 3 hauh, gungh miz 415 boux vunz camgya dengungh、canghdajhanh、boux-dawzlwng daengj ban beizyin dinfwngz, ndawde 60 boux vunzhong gungzhoj guhdangj laebgaj, 34 boux saetnieb. Ginggvaq beizyin le miz 171 boux camgya gaujhwz, ndawde 169 boux swnhleih ndaej bonj doxgven cizyez swngwzeng.

(Lij Mouyangh/李茂香 Couh Binjciuh/周品秋)



▲ Gyoengq mehmbwk hag baenz-lawz dawz lwgnyez.



▲ Hag dajhanh.

Luzcai:Angqcoux “Sam Nyied Sam” Daizfwen Ciengqyiengj

鹿寨：唱响擂台喜迎“三月三”



▲ Angqcoux sam nyied sam daizfwen doxdax.

4 nyied 10 hauh, Luzcai Yen Bingzsanh Cin Eufwen Gvangjcaengz vunz lai vunz daih、sing fwen goksasa. Ngoenz haenx, aen yienh neix angqcoux “sam nyied sam” hozdung sien youq gizneix baij daizfwen doxdax, 38 doiq 76 boux canghfwen hwnjdaiz yienj bonjsaeh, ciengjdued Gvangjsih “seiq singgaep fwenvuengz”, doek-laeng bingz ok “Gvangjsih fwenvuengz” 4 boux, lij bingz ok 8 boux canghfwen ndei.

Ciuq cam rox, hawj mbat daizfwen doxdax neix guh bingzveij haenx miz 7 boux lauxhangz daj Gvangjsih Hawfwen Hezvei、Gvangjsih Fwencuengh Cungjvei caeuq Liujcouh Hawfwen Hezvei daeuj.

(Lai Genveih/赖建辉)